


Finances - Letter -

C 83

i



12 Novembre 1661

Chambre

LETTRES

PATENTES DV ROY,
contenant l'establissement de la
Chambre royale, pour la cognois-
sance & iugement des abbus &
maluerfations commises en les Fi-
nances.



A PARIS,
Chez I A M E T M E T T A Y E R, & P. l' H u i l l i e r
Imprimeurs & Libraires
ordinaires du Roy:

M. D C I.

Avec Privilège de sa Majesté.

100. March 31

Case I II

204 10 F 23 11 10 11

39 11 10 11

• 326 11 10 11

1601 f2 11 10 11

THE NEWBERRY
LIBRARY



ENRY PAR LA GRACE DE DIEV ROY DE FRANCE ET DE NAVARRE, A tous ceux qui ces presentes lettres verront salut, Sur les plainctes & remon-

strances qui nous ont esté cy deuant faites des desordres, abus & maluersations commises en l'administratiō de nos finances, nous auons estably la Chambre que nous auons voulu appeller Royale, composee de grands & notables personnes, choisis de nos Cours souueraines, afin de promptement vacquer à la correction & punition de tels abus : mais pour grandes considerations qui nous furent representees quelque temps apres, nous auons reuocqué ladiète Chambre, & par mesme moyen quicté, remis & aboly toutes les fautes faites par les officiers de nos finances, reserué l'erreur de calcul, le simple des.

obmissions de recepte en sommes de deniers seulement, parties plusieurs fois prises, couchees & employees és cōptes rendus & à rendre, & les faussetez qui se trouueroiēt és cōptes non encores rendus, dōt nous auons laissé la cognoissance aux Iuges auxquels elle appartient, depuis lequel tēps n'ēa esté faite aucune poursuite par iceux. Ce que nous ayant esté représenté, nous aurions par nos lettres patentes commis & député aucuns de nos Conseillers en nostre Conseil, Maistres des Requestes & autres de nos officiers, pour en faire la recherche: mais au moyen des appellations interiectees par les parties accusees & preuenuës, l'effect & executiō de nosdites lettres a esté suspendu: & d'autant qu'il importe grandement à nostre seruice que telle recherche ait lieu, afin de retirer des mains d'aucuns de nos officiers comptables & autres les deniers qu'iniustement & sans cause ils retiennēt, nous auons resolu & arresté faire pleinement executer lesdites commissions pour les cas dōt la recherche est reservee par nostre Edict d'abolition du mois de Iuin mil v.^c iij.^x xvij. cōme aussi pour les delicts commis depuis nostredit Edict.

A CESTE CAUSE & pour plusieurs au-

tres grandes considerations, Nous auons voulu, declaré & ordonné, voulons, declarons & ordonnōs, que par les Commissaires qui seront par nous commis & deputez; il soit faict exacte recherche à l'encontre de nos officiers comptables, & tous autres qui ont eu le maniement de nos deniers ordinaires & extraordinaires & gabelles, depuis le commencement de l'annee mil cinq cents iiii^x v. pour les cas reservez & exceptez de ladicte abolition. A S S A V O I R, l'erreur de calcul, le simple des obmissions de recepte en sommes de deniers seulement, parties plusieurs fois prises, couchees & employees es cōptes rendus & à rendre & les faussetez qui se trouueront esdits cōptes, comme fausses reprises, faux acquiēts, faux employs & supposez: laquelle recherche nous voulōs estre faicte contre ceux qui auant ladite abolition auroiēt commis lesdictes fautes à fin ciuile seulement, & pour le simple des sommes employees esdits comptes, dont nous n'auons entendu & n'entēdons auoir fait remise & descharge à nosdicts officiers & comptables, mais seulement aboly les crimes & delicts, & iceux deschargez des peines corporelles,

reparations, amendes ordinaires & extraordinaires, & autres qu'ils eussent peu encourir par la rigueur des loix & ordonnances. Laquelle abolition nous voulõs auoir lieu pour ceux qui s'en voudront seruir & preualoir tant seulement, & qui à ces fins vn mois apres la signification qui leur sera faicte par lesdicts Commissaires, feront declaratiõ entre leurs mains des fautes commises en leur administration, & qu'ils desireront estre remises par ladite abolition: & autrement à faute de faire ladite declaration dans le mois, sera procedé contr'eux extraordinairement. Comme aussi nous voulons & ordonnõs que par lesdicts Commissaires il soit informé & procedé extraordinairement & par la rigueur de nos ordonnances, contre tous ceux qui depuis ladite abolition auroiẽt commis quelques fautes, abus & maluersations au maniement & administration de nosdictes finances; & pareillement que tous ceux qui ont eu la charge & maniement des leuees extraordinaires pour l'entretenement des gens de guerre, reparations, fortifications, munitions de guerre, viures & autres causes generalement quelsconques, soient pour-

fuiuis & contraincts representer les estats
 de recepte & despense avec les acquits,
 pour estre par lesdits Commissaires proce-
 dé à la verification d'iceux & des parties
 mal employees: lesquels Commissaires qui
 seront par nous nommez & enuoyez aux
 prouinces, vacqueront diligemment à la-
 dite recerche, & procederont à l'encontre
 desdicts comptables, mesmes par arrest de
 leurs personnes & saisie de leurs biens s'il
 y eschet: nonobstant oppositions ou ap-
 pellationes quelsconques & sans preiudice
 d'icelles, & passeront outre iusques à sen-
 tence diffinitive inclusiuement, pour les
 cas qui n'excederont la somme de cinq
 cents escus. Ausquels iugemens pourront
 lesdits Cōmissaires appeller six de nos offi-
 ciers ou autres graduez s'ils voyent que la
 matiere y soit disposée, dont nous char-
 geons leur religion & consciēce: & pour les
 cas de legere consequence qui n'excede-
 ront la somme de deux cents escus, enco-
 res qu'ils ayent esté iugez par lesdits Com-
 missaires seuls, seront toutesfois leurs sen-
 tences executoires par prouision, nonob-
 stāt l'appel & sans preiudice d'iceluy, com-
 me aussi pour les cas excedans la dicte som-

me, & iusques à cinq cents escus, où les iugemens se trouueront donnez avec ledict nombre d'assefleurs. Et à l'esgard de tous les autres differends où il s'agira de plus grandes sommes, ils passeront outre à l'instruction & verification, iusques à sentence diffinitive exclusiuelement; nonobstât aussi oppositions & appellations, & sans preiudice d'icelles, & enuoyeront les procez instruiets, clos & sceillez, & les estats par eux verifiez au greffe de ladicte Chambre, que nous auons dés à present estably & establissons pour cest effect en la Chambre du Conseilz nostre Chambre des Comptes à Paris, pour y estre iugez & terminez en dernier ressort. Et neantmoins où il s'agiroit de sentence de torture donnee par lesdicts Commissaires ou autre non receuable en diffinitive, ou par appel en ladicte Chambre, Voulons qu'il y soit deferé & le iugement suspendu de quelque somme qu'il s'agisse, soit que ledit iugement ait esté donné avec lesdicts assefleurs ou non. Laquelle Chambre nous auons composee & composons de nos amez & feaux Conseillers: A S A V O I R de l'un de nos Presidets de nostre Cour de Parlement, deux Maistres
des

des Requestes de nostre Hostel , & deux
 Conseillers d'icelle Cour; vn de nos Presi-
 dents de nostre Chambre des Comptes, &
 quatre Maistres en icelle, l'vn de nos Presi-
 dents de nostre Cour des Aydes, & trois
 Conseillers en icelle; l'vn de nos Aduocats
 Generaux en ladicte Cour de Parlement,
 & l'vn des substitués de nostre Procureur
 General, qui serōt par nous nommez, choi-
 sis & deputez, & outre ce vn des Corre-
 cteurs ou Auditeurs de ladicte Chambre
 des Comptes pour seruir de Greffier: pour
 estre par ladicte Chambre ainsi de nou-
 ueau establie, iugees en dernier ressort les-
 dictes appellations des Commissaires qui
 seront deputez par les Prouinces: ense-
 mble tous les procès, estats & autres differēds
 qui auront esté instruits par lesdits Com-
 missaires, & dependront de la presente
 commission en toute l'estendue de nostre
 Royaume. Voulans que les arrests & iuge-
 mens qui seront par eux donnez au nom-
 bre de dix, soient de pareille force & vertu
 comme les arrests & iugemens de nos au-
 tres Cours souueraines. Ausquelles nous
 auons interdict & defendu, interdisons &
 defendons toute Cour, iurisdiction & co-

gnoissance des faicts susdits. Et afin que nos subiects ne soient trauaillez par ladicte recherche, nous ordonnons aux Commissaires qui seront deputez par les prouinces, vacquer promptement & diligemment à icelle, sans constituer en frais les asseurs, collecteurs ou habitans des paroisses en general ou particulier: & s'il est besoin en faire appeller pardeuât eux pour apporter les commissions, roolles & quictances, ou informer des delicts & maluersations, ils feront taxe à ceux qui seront appelez & pouruoiront à leur payement: Auquel serōt tenus fournir ceux qui seront commis à la recepte des deniers qui prouiendront de ladicte commission & recherche, lesquels pourront retenir par leurs mains ce qu'ils auront auancé pour le payement desdites taxes. Enioignons tres-expressément ausdicts Commissaires de rendre & restituer ausdits comptables & autres qu'il appartiendra leurs estats, acquiets, registres, & generally tous papiers seruans à l'instruction desdicts procès dans le mois apres qu'ils en seront saisis, sauf toutesfois les pieces maintenues de faux & autres decisives de la matiere, dont les ori-

ginaux demeureront au procès, iusques à sentence diffinitive inclusiuement, & en cas d'appel, iusques au iugement souuerain qui en sera donné par ladiète Chambre; desquelles pieces neantmoins sera deliuré extraict aux parties en bonne & deuë forme, si elles le requierët, pour leur seruir & valoir ce que de raison. SI DONNONS EN MANDEMENT à nos amez & feaux les Gens tenans nostre Cour de Parlement, Chambre de nos Comptes, & Cour des Aydes à Paris, chacun endroict soy, faire enregistrer ces presentes, & le contenu en icelles garder, obseruer & entretenir selõ leur forme & teneur, sans souffrir qu'il y soit contreuenue en aucune maniere que ce soit. Nonobstant tous Edicts, ordonnances, reglemens, ou autres lettres à ce contraires. Car tel est nostre plaisir. En tesmoing dequoy nous auons faict mettre nostre seal à cesdictes presentes. Donné à Paris le vingt-cinquiesme iour d'Aoust l'an de grace mil six cents vn, & de nostre regne le treiziesme.

Signé,

HENRY.

Et sur le reply, Par le Roy, FORGET.

Et seellé sur double queuë du grand seel en
cire jaune,

B ij

Registrees, oy & consentant le Procureur General du Roy, à la charge que les Commissaires qui seront enuoyez par les Prouinces ne pourront rendre aucuns iugemens diffinitifs sans le conseil requis par les Ordonnances. A Paris en Parlement, le sixiesme Septembre, mil six cens vn.

Signé, DV-TILLET.

Registrees semblablement en la Chambre des Comptes, oy & ce consentant le Procureur General du Roy, le dixhuietiesme Septembre mil six cens vn.

Signé, DE LA FONTAINE.

*Registrees en la Cour des Aydes, oy sur
ce le Procureur General du Roy, sans pre-
iudice de la iurisdiction ordinaire attribuee
à ladite Cour par les Edicts & Ordon-
nances, suivant l'arrest d'icelle Cour du
iourd'huy. A Paris, le vingt sixiesme iour
de Septembre, l'an mil six cens vn.*

Signé,

BERNARD.

Et au bas desdites lettres est escrit.

*Leues aussi & registrees au Greffe de la
Chambre Royale establee au Palais à Pa-
ris, Monseigneur le Chancelier y seant, ce
requerant le Procureur General du Roy,
le quinziemesme iour de Novembre, mil six cēs
vn.*

Signé,

DE NETS.

Handwritten text in a cursive script, likely a letter or a page from a manuscript. The text is mostly illegible due to fading and blurring.

Handwritten text in a cursive script, likely a letter or a page from a manuscript. The text is mostly illegible due to fading and blurring.

Handwritten text in a cursive script, likely a letter or a page from a manuscript. The text is mostly illegible due to fading and blurring.

